

新疆圖志卷二

建置二

吐魯番者

北極高四十三度二分偏京西二十七度二十八分夏至晝長六十刻夜長三十五刻十五分冬至晝長三十三刻三分夜長六十刻十二分正日景夏至長三尺九寸六分冬至長二丈五尺四寸五分春秋分長一丈零二分謹案竹葉亭雜記云同年寶獻山相國自吐魯番來因言彼地望月中影似加明晰望天河中白氣乃是小星吐魯番較京師高一百五十餘里去天較京師將近一度又云夏小正日漢案戶謂天河也今吐魯番於六月望河乃當東廂房脊蓋其地在天河之西也其地

漢車師前國

史記作姑師治交河城西域傳補註云今吐魯番廣安城西二十里雅兒湖有故城周七里即古交河城案其地即招哈和屯雅兒河也

漢書西域傳狐胡國王治車師柳谷侍行記云以漢書交河狐胡兩國去長安里數相較則狐胡在交河西五十里以去焉耆里數相較在交河西六十五里今廳城西西北迪化東南白楊河等處也太平御覽引作狐胡國治車師柳谷謹案車師柳谷以別於哈密之柳谷侯君集伐高昌先至柳谷此哈密西之柳谷也

車師服屬匈奴漢屢征之元帝置戊己二校尉屯田車師前王庭王莽時匈奴大擊北邊西域瓦解明帝永平十六

年漢取伊吾前王內屬又降北虜十七年竇固破白山戎擊降後

部前部亦降和帝永元二年遣子入侍三年置戊己校尉居前部

高昌壁

侍行記云魏書漢武遣兵西討師旅頓弊其中尤困者因住焉地勢高敞人庶昌盛因云高昌亦云其地有漢時高昌壁故以為國號今廳東南一百里哈喇哈卓即明火州城前入以此為高昌壁按漢書姑句突出高昌壁即入匈奴疑在稍北又考魏書唐和傳似高昌與火州為一地明史火州東荒城即安帝延光中班勇為西域高昌國都漢校尉治也今火州東北有玉門口古城或是漢之高昌壁歟

長史屯柳中

宋史作六種元魯古廳明史柳城一名魯陳又作柳陳西域土地人物略作魯珍兒國初作魯克察魏克或作魯古忒乾隆二十二年改曰魯克沁即漢柳中也李光廷漢西域圖考以柳谷為柳中大誤

新疆圖志

建置一

仍置戊己校尉晉初車師王居交河而高昌為校尉治成帝咸和

初前涼張駿置西域長史而戊己校尉趙貞不附擊禽之以其地

為高昌郡立田地縣

侍行記云方輿紀要據舊說謂田地城即高昌縣然魏書高昌傳鞠嘉以兄子孝亮為田地太守舊唐高昌傳王都高昌其交河城前王庭也田地城校尉城也侯君集傳攻拔田地城乃進圍都城是田地為高昌迤東一城當在今齊克騰驛或雅圖庫左右張駿之高昌郡治未必在田地縣唐改田地為高昌者蓋因城被兵毀別設高昌縣所轄有田地縣故境未必在田地城也謂田地為校尉城者魏晉以後校尉遷徙無定未必恒在漢之高昌

及校尉營孝武太元以後苻秦加車師前部王彌實為平西

將軍西域都護並置高昌太守後涼北涼因之

晉書載記呂光至高昌太守楊翰降光以子覆為鎮西將軍西域大都護

北魏及周隋皆為高昌國

北魏太武帝延和中以焉耆東部師車伊洛為前部王涼州人闕爽自為高昌太守太平真君初北梁亡沮渠無諱逃據鄯善而蠕蠕所封伊吾王唐契為蠕蠕所逼亦擁眾西走白刀城遣弟和攻高昌闕爽詐降於無諱欲令與唐契相擊契為蠕蠕攻殺爽拒無諱無諱將衛與奴屠其城爽奔蠕蠕無諱留高昌奉表於宋文帝拜為西夷校尉涼州刺史河西王高昌有王自此始真君五年無諱死弟安州代宋封拜之如其兄屯橫截城唐和攻拔之又克高甯白刀二城表狀於世祖詔和與車伊洛從萬度歸討焉耆伊洛留子歇守城安周乘隙引蠕蠕圍歇陷之真君十一年伊洛收遺民奔焉耆車師前部至是亡唐和亦自焉耆歸魏越千載蠕蠕滅安周立闕伯周為高昌王太和初伯周之子相仇殺為高車主可至羅所滅立張孟明為王國人殺之立馬儒二十一年儒欲東徙伊吾其下不願復絀之而立鞠嘉兩臣於蠕蠕高車兼貢中國正光中子堅立西魏大統中子元嘉立恭

其國有四十六鎮交河

舊唐書王都高昌其交河城漢前王庭也新唐書誤作高昌王都交河城

田地高甯

魏書唐和傳契戰歿和率騎五百先攻高昌北史作先攻高甯高甯當即高昌

臨川橫截柳婆沱林新興由甯

侍行記云臨川疑在今連木沁橫截疑即火州柳婆疑即廳東南十餘里頭工之勒木不沱林疑在勝金甯當即高昌

進白刀

南史作白刃蓋即白刀等書皆其鎮名也魏書高昌有八城北史周時城十城唐武德六年隋時城十八舊唐書二十二城

口東北之汗和羅新興即森尼木由甯南史作甯由疑在今廳東南一百餘里洋海村始昌謹案唐以始昌城為天篤舊稱英格河左右篤進今廳西南之托克遜謹案陶氏即音求地然無確證不足據也

初麴伯雅死子文泰嗣貞觀四年入朝尋阻貢道助西突厥擊焉

耆十四年命侯君集等討之文泰悸死子智盛降傳九世一百三十四年太宗置

西州新舊西域傳初號西昌州領五縣高昌元和志取舊高昌國為名天寶元年改為前庭縣案高昌縣在今吐番東鄉三堡地今廳城東至勝金口七十五里由勝金口南行十五里即三堡也宣統元

年十月巡檢張清至三堡村北掘取古蹟得唐張懷寂墓誌銘云葬於高昌縣之西北舊瑩今三堡土人尚稱為高昌東南緊靠舊城址周四五里俗呼曰唐王城蓋即唐西州郭下高昌縣地初置安西都護後改置都督府皆即此舊城也柳中

元和志西至州三十里通典寰宇記州東四十四里漢舊縣晉并入田地縣又車師傳云以山北城為柳中縣輿地廣記取漢書地為名交河元和志東南至州八十里漢車師前庭王庭河出縣北天山分流城下天山元和志東至州一百五十里通典寰宇記西州無天山縣而車師傳內則云以始昌城為天山縣舊唐志取新連山為名新唐志西州西南百

二十里至天山侍行記云當在托克遜西域圖志列表以連木齊森尼木等處為天山縣則在高昌之東與新唐志不合謹案今廳城西偏南一百二十里托克遜由此轉北四十里伊拉里克西入阿蒲昌侍行記云元和志西南至州一百八十里本金蒲城拉突峪最為險要天山當即指此開元中置天山軍即扼此峪也車師後庭通典寰宇記州東北一百八十里貞觀十

四年置於漢始昌故城取縣東蒲類海為名蒲類海者胡人呼婆悉海又車師傳云以東鎮城為蒲昌縣唐舊志於始昌故城置東南有蒲類海胡人呼為婆悉新唐志本隸庭州後來屬西有七屯城弩夫城石城鎮播仙鎮又安西入西域道蒲昌海南岸西經七

屯城又西至石城鎮按諸家論蒲昌縣最為淆混金蒲在西北始昌在州西南東鎮在州東三地懸隔不詳遷徙之時泥執創置之年鹿馬互指不自知其矛盾一謬也金蒲即金滿之訛後漢書明言高昌北至金滿五百里唐以來地志家乃以距西州一百八十

里之蒲昌縣為本金蒲城二謬也蒲類海在庭州之東蒲昌海在西州西南相去二千餘里諸家既於庭州之蒲類縣云因縣東蒲類海為名於西州之蒲昌縣復云東南有蒲類海三謬也蓋貞元以後西域淪亡晚唐考訂已同們扣後人傳寫益滋滋魚承訛至

今未由解惑西域圖志列表以哈喇和卓西南之勒木不為蒲昌縣於新唐志地勢近矣而無以解於西南至州及本金滿城之說李氏西域圖考謂蒲昌縣在鎮西廳之鳴順溝於取蒲類海為名之說近矣而無以解於西至州百八十里及西有七屯城諸說竊

意北庭之地本屬高昌貞觀十四年平高昌初置蒲昌縣於前庭之東鎮取西南蒲昌海為名其轄境則踰山北直接金滿城界輿地家最喜遠徵古邑斷歸地今因縣界有金滿遂誤以縣治為金滿此元和志所以謂蒲昌本金滿新唐志所以謂本隸庭州者也

試思金蒲即車師後庭使蒲縣昌果在彼何以距西州止百八十里乎貞觀二十年四月西突厥欲谷設降唐乃全有北庭增置庭州分蒲昌北境為金滿縣因滿金割自蒲昌遂誤謂改蒲昌為金蒲此元和志庭州下所以云貞觀十四年於州南置蒲昌縣長安

二年改為金滿者也試思此處既云貞觀置蒲昌在庭州之南何以西州蒲昌下又云在後庭金蒲乎所謂長安二年改金蒲者疑亦有誤庭州治在金蒲縣當於州同建或云貞觀十四年置者亦誤緣是年賀魯尙未降也通典謂蒲昌縣在州東北一百八十里

新疆圖志

建置一

二一

必指東鎮城言是始建縣治決在州東新唐志云縣西有七屯城可知轄境及於蒲昌海是縣治已遷於州西南惟遷徙之年無可考疑分設庭州後蒲昌縣北城削小乃將東鎮屬地并入高昌柳中二邑而移蒲昌縣於始昌也俞氏考古錄謂西庭二州皆有金

蒲則依違之見耳東尋升安西都護府二十二年徙都護於龜茲舊新二唐書地志皆失載惟西域龜茲傳鎮疑在闐展之東

有之高宗永徽初都護還治高昌舊唐本紀在永徽二年顯慶二年復移都護治龜

茲改置西都督府開元中曰金山都督府並置天山軍通典元和志新唐志皆云置西州城內舊

唐志寰宇記又云在伊州城天寶元年改交河都乾元元年復為西州貞元中陷於吐

蕃宣宗大中時吐蕃衰弱號稱收復沙州首領張義潮逐虜守者自攝州事奉十一州地圖以獻內有西州懿宗咸通

七年回鶻大酋僕固俊自北庭取西州為西州回鶻旋三部曰和

州回鶻曰阿薩蘭回鶻曰高昌均服屬於遼兼貢於宋於金宋史稱西州回鶻可

汗又稱西州外生師子王阿斯蘭漢一稱西州克韓國金史作回鶻喝里可汗一作和州回鶻高昌王并後西遼又封

吐谷渾之裔畏兀兒於交河孫承澤元朝典故編年考其酋日月仙帖木兒人名亦都

護王號也其子巴而朮阿而忒降元太祖使尙公主亦作輝和爾國

伊都呼時高昌阿薩蘭並存尋并入畏兀兒元史釋文證補畏兀兒部名北自別失八里至哈喇火州以南皆其轄也元史屢見

畏吾兒亦作畏兀所謂高昌國王亦都護是也畏吾兒即唐之回紇元秘史作委兀又作委吾侍行記云畏兀兒者本吐谷渾素和

貴之裔降於吐番居排衙川亦曰計羅川後訛為貴和為畏吾為畏兀非回紇人但音近耳宋神宗時王詔取西甯畏兀主懼遷於瓜沙徙入交河降於西遼封交河王為畏兀兒國其後亦都護降於元俞浩西域考古錄引唐趙珣開元十道圖記及孫承澤元朝典故編年攷諸說力辨畏兀非回紇趙子昂云回鶻即畏吾兒者亦誤也三傳為火赤

哈兒的斤至元十二年都哇破火州徙屯於哈密力北軍平之設

霍州畏兀兒察司鎮北庭都護府和州宣慰司霍州和州火州皆諧音也仁宗封紐

林的斤火赤哈兒之子為高昌王二尙公主還火州復立畏兀兒城池侍行記云元歐陽圭

齊高昌懷氏家傳云高昌即今哈喇和綽示地志附錄作合喇火者阿亦傳作哈刺霍州耶律希亮傳作哈刺火州明史火州與安定曲先諸衛統號畏兀兒元末分為柳城火州土魯

番三部皆設萬戶府達魯花赤明初仍舊稱萬戶正統後并於土

魯番其酋居安樂城侍行記云即哈喇和卓之哈喇二字特譯以美名耳自稱速檀亦僭稱王數為邊患

萬歷中復入貢明史西域傳成化九年土爾番酋據哈密十八年哈密都督罕慎克之宏治元年誘罕慎殺之復據其城正德九年犯肅州嘉靖三年寇甘州而賊黨牙蘭率所部來勢漸衰弱萬歷朝入貢不絕

聖清興貢獻如初旋以助逆回丁國棟絕其使後復叩關請貢然

與準噶爾為鄰常服屬之乾隆中內屬乾隆二十四年設關展辦事大臣及同知四十四年改關展辦事大臣為吐魯番領隊大臣移同知都司

來駐四十六年築廣安城五十六年詔吐魯番世襲郡王封爵吐魯番舊作土爾番至是易今名其界東九十里至勝金臺接鄯善之連

木沁南二百里至怕沙布拉克山接塔羌之羅布淖爾西四百二

十里至庫木什接焉耆之榆樹溝北九十里至木頭溝接孚遠之

泉子街東南一百二十里至洋海接鄯善之魯克沁西南四百五

十里至石泉接焉耆之羅布淖爾東北二百三十里至三岔口接

新疆圖志 建置一 三

奇臺之石窰子西北二百五十里至三角泉接迪化之白楊河東

西五百一十里南北二百九十里有莊二十一曰二堡城東七十里曰二

堡城東八十里曰勝金城東九十里曰洋海城東一百里曰雅爾巴什城南十五里曰東坎爾城南二十

里曰二工城南二十五里曰頭工城南三十里曰西甯工城南三十五里曰新城城西五里曰雅爾湖

城西二十里曰雅木什城西三十里曰督干湖城西三十里曰托克遜城南一百二十里曰伊拉里城一百

五十里曰庫本什城西四百七十里曰沙河子城北五里曰榆林工城北十里曰葡萄溝城北四十里曰煤

窰溝城北七十里曰木頭溝城北一百二十里皆其屬也地當孔道為南疆門戶自前

代以來數用兵同治初安集延酋帕夏父子襲據之光緒三年北

路大定劉錦棠遣兵破其壘城遂復光緒七年阿克拉依都之子瑪木特襲郡王十年重備漢城罷領隊大臣以同知游擊治之廳治原隸甘肅回城及

關展各設巡檢十二年改隸新疆回衆之脅從及流亡皆反耕而漢民牽車服賈者亦繼

至焉初吐魯番有漑田久蕪雲貴總督林則徐謫戍伊犁始濬托

克遜及伊拉里克等渠復增穿井渠通水民用濫給謹案井渠者俗名坎兒其制激水上行若掘井然繼

以地洞每洞相距約數丈直行而下賡續不絕此法蓋始於漢溝洫志云嚴熊言臨晉民願穿洛以漑重泉以東萬餘頃故惡地誠即得水可令畝十石於是為發卒萬人穿渠自徵引洛水至商顏岸善朋乃鑿井深者四十餘丈往往為井井下相通行水水隨以

絕商顏東至山嶺十餘里間井渠之生自此始穿得龍骨故名曰龍首渠作之十餘歲渠頗通而同時遣戍有故布政使黃冕者復大開

伊拉諸渠然皆未竟而罷其後軍旅數動耕者益寡又官司如傳舍不遑暇故水利弗興然土宜六穀重繆蔬果白疊謹按白疊木棉也舊唐書高昌傳有草曰白疊國人

取其花織爲布文獻通考高昌有草其實如繭中絲如細繭名白疊子國人織以爲布交市用焉今纏回呼棉花曰帕克塔猶古音也桑之屬而木棉蒲桃每歲陸運

由伊犁以賈俄國道歸化以商內地以勛計之棉率三百萬蒲桃

率二百萬古者釀用蒲桃謹案文獻通考高昌國中多蒲桃酒史記稱大宛以蒲桃爲酒富人藏酒至萬餘石久者數十年不敗張華博物志云西城蒲桃酒可至十年蓋自張騫使大

夏僅得其種而未傳釀法惟唐書載太宗破高昌收馬乳蒲桃種於苑中併得其酒法仍自損益造酒成綠色芳香酷烈當時詩人吟詠者至此之甘露瓊漿惜禁中秘方民間無從得之今所釀不中食蓋

古法不傳久矣每歲桑黹熟時吐人就樹下擷而啗之以當飯或

三月不火食其處畝蒸當署皆竈地以居夜出作事北山恒歎煙

霧鬱攸不熄傍城山皆赭禿無寸綠故元以其地爲火州更北則

盛夏積雪不消卽祁連山也北魏之時高昌王麴嘉好儒術麴太平寰宇記作麴

畫魯哀公問政孔子像於室有毛詩論語孝經歷代子史集置學

官子弟以相教授正光元年又遣使奉表乞借五經諸史並請國

子助教劉燮爲博士其後乃拜浮圖奉天竺法招提實刹櫛比駢

羅文獻通考高昌俗事天神兼信佛法王延德高昌行記云高昌佛寺五十餘區皆唐朝所賜額寺中有大藏經唐韻玉篇經音等續文獻通考云明永樂十二年吏部員外郎陳誠至其國歸言市里居民僧堂過半亦皆零落又云其俗多匈奴烏魯事神

新疆圖志

建置一

四

信佛象胥錄云吐魯番室居奉佛多僧寺有靈山十萬羅漢涅槃處也逮於有明又改奉天方信可蘭之教謹案瑪木特玉素素罕默德二十六世之

孫也當明季與其兄弟分適各國自默德那遷喀什噶爾羣以聖裔奉之適額魯特方強盡執元裔回部舊汗遷居天山以北於是各城始有回酋而回教始盛行焉禮拜誦經爭相朝汗西域三種

云纏回朝汗有二處一墨克即譯罕默德生處也其地有大黑石周里許相傳數千年前降自天有靈跡作殿其上規制闕敞殿中開瓦橋一孔使日月之光逗臨聖座牆周一百五十丈高七尺有奇正殿門四十一燃玻璃燈以六七千計地鋪氈毼廬苑相屬附

殿多建禮拜寺四面浮屠七中空有路可盤旋而上凡進殿禮拜必沐浴裸體纏白布殿側甘泉湧流謁聖者又必先飲而後膜拜往朝男女每歲無慮數十萬叩祝以五日爲期距殿六十里許一山曰兒勒巴特有犬阿旬乘白駝獨上絕頂團坐念經往朝者悉

羅拜於下傍晚還至距殿四十里之山曰密喇威憩於此每至諷經必多屠牛羊施給附近窮民富者二三千頭貧者亦必一二頭叩祝之百天氣清明雖雨必霽殿內侍香火者三百人燃燈拂塵者千餘人斂屍骸者七百家並有乙麻目即率領念經之住持三

百六十人墨總即發信念經之衲子七百人皆由土耳其國按給衣糧額設防兵三千有兵官同我國之協鎮者領之並派土著頭目協治殿事級視知府其處一面瀕水三面依山沙淤土瘠不產五穀惟松柏槐楊葡萄棗果蔚然扶疏而已一默德那即譯罕默

德葬所也其地城郭高鞏周四十餘里塗以白堊雉揚以赭石砌之門七皆衣以鐵風景人物與墨克略同惟地鄰海灣半屬沮洳敷澤終日朝霧數至觸之生病五穀亦不甚生相傳謨罕默德葬時斂以鐵棺經久不朽墳上以銅鐵鑄欄干圍之上建重閣環建

禮拜寺各高十丈並豎玉柱十八根四面寶塔五座晚間內外燃琉璃燈以三千計墳前設巨燎二各重五百觔鐵架肩之地鋪絲毯千幅華麗炫目寺內乙麻目與墨總七百二十人侍墓闈官三百人燃燈掃地鋪毯者一千五百人收屍掩骸者百人尋常禮拜

領拜者三百六十人侍茶水者五百人額設防兵一萬二千人領兵官十二員兵之餉糈待墓人役衣糧暨油燭器用皆出自土耳其國此二處彼教稱爲聖地以瞻拜爲榮男女往朝者謂之阿吉在死者爲獲神佑生還者謂之假阿吉至今回俗每年往謁者尙

絡繹不絕告之以詩書則痛心疾首駭而欲走開省置義塾拔齟齬者教

之而亦無所成然勤於耕作故四民之中農得十七工商得十三

蓋麴氏之流風杳矣初麴氏表求內徙詔曰彼之氓庶是漢魏遺

黎自晉氏不綱因難播越成家立國積世已久惡徙重遷人懷戀

故由是觀之魏以前高昌皆漢族也而其王張孟明馬儒又皆華

產故其俗重儒自五代以後其地入於回鶻麴氏之澤旣斬浮屠之說風行數百年中梵宇至五十餘區故杜佑曰其俗事天神信佛法其後二千餘年而瑪木特玉素始至喀什噶爾稱聖裔可蘭之說熾矣又高昌舊俗習尙音樂行者必抱樂器文獻通考西域與高昌通始有高昌部之樂以備燕享隋開皇中高昌國獻聖明樂曲唐太宗伐其國盡得其樂其器有豎箏篋琵琶五絃笙笛簫箏篋毛圓鼓都曇鼓答臘鼓腰鼓羯鼓雞婁鼓銅鼓銅鈸具十五種爲一部工二十人舞人白襖錦袖赤皮鞞赤皮帶紅抹額隋自開皇初置七部樂六曰龜茲伎唐太宗增高昌其著令者十部六曰龜茲八曰疏勒九曰高昌而總謂之讌樂後又分爲坐立二部自唐滅高昌樂工散亡其後沒於吐魯番據

於回鶻畏兀至於宋明更姓迭主疇昔侏離無復存者謹案孝經鉤命曰云西方之樂謂之侏離

鄭康成注周禮曰東方爲今回部所有八器施絃者四曰哈爾扎克曰喀爾奈曰吧卜曰色塔爾竹一曰巴拉

西域三曲曰斯納滿愛慕人之辭曰色勒喀斯拊掌行樂之辭曰珠魯馬前鼓吹之辭詳見西域圖志衡以隋唐讌樂不逮其半又名實

絃淆莫由訂正乃知西域古樂不傳者多也其東二百四十里爲

鄯善鄯善故闢展地北極高四十二度五十二分偏京西二十六度夏至晝長六十分夜長三十五刻五分冬至晝長三十五刻五分夜長六十分午正日晷夏至長三尺五寸二分冬至長

二丈二尺八寸春秋漢爲車師前國東境北魏以後爲高昌白棘城北史高昌傳白棘城去高昌百

六十里唐爲柳中縣屬西州交河郡地宋爲六種亦稱寶莊見王延德高昌記屬高昌雍熙

間頻入貢後入於遼元魯克察克地明爲柳城西域土地人物識略云明曰北昌

新疆圖志 建置一 五

聖清興內屬謹案巡撫饒應祺新疆設郡縣疏云闢展古鄯善國故以鄯善名縣今考闢展古車師前國鄯非善也以闢展爲鄯善自魏源何秋濤始案鄯善古樓蘭在蒲昌海南新唐地志云安西入西域道石城鎮漢樓蘭

也亦名鄯善在蒲昌海南三百里晉曰顯佛國記由敦煌西行十七日至鄯善十五日至于闐皆傍南山行是鄯善在蒲昌海之南可知且漢書明言西北去都護治所一千七百八十五里西北去車師千八百九十里烏壘今哈喇沙爾

之策特爾地車師今吐魯番若闢展則在烏壘車師之東南去鄯善千餘里中隔白龍堆蒲昌海何得指闢展爲鄯善乎又水經注蒲昌海水積鄯善之東北後魏書曰鄯善都城方一里北即白龍堆路當日疏於考核以致名實相乖若此 其界

東四百七十里踰車箍轆泉接哈密之一碗泉南三十里踰樹柏

溝沙山接婁羗西一百二十里踰蘇巴什接吐魯番之勝金溝北

二百八十里踰高泉達坂接奇臺之穆家地溝東南數十里至沙

漠接婁羗及羅布淖爾西南一百一十五里踰魯克沁闌干坎接

吐魯番之洋海東北四百一十里踰七角井接鎮西之陶賴溝及

奇臺之頭水溝西北二百三十里接吐魯番之卡拉漢東西五百

九十里南北三百一十里分其地爲八臺曰闢展即治城曰樹柏溝有古碑一

字漣漫不可辨 曰漢墩城西四十里 曰連二工城西四十里 曰連木沁城西七十里 曰南梁即魯克沁一曰魯克

察克城西 曰北梁亦即魯克沁城西南九十里 曰土峪溝蘇巴什附焉城西南百一十里 皆其屬也西域圖志闢展屬地二十九曰塔呼城東二百八十里自托來

達巴西行二十里至北山下峭壁削成曲徑如鑿無水草路可行車又三十里出山路皆沙磧曰納呼城東二百十里四圍皆山爲闢展東境關隘曰齊克塔木城西七十里自納呼西入谷口山徑崎嶇自高而下七十里就平地又七十里至齊克塔木可牧有

墩有城曰特斯城東四十里有墩有臺一統志新疆識略均無曰特斯城東二十里有墩有臺有水北流名巴哈言小也曰洪城東南二十里有城當山谷口曰楚輝城西南二十里南倚金嶺背山爲城城東有泉新疆識略作舒歸曰色爾啓布城西南六十里

有水從北山下出南流經城東新疆識略作色爾可布曰魯克察克城西南一百十里東有長河爲闡展東最大聚落唐柳中縣治也雍正初年土爾番回酋額敏和卓避準噶爾侵掠遷於此後移駐瓜州西域平復還新疆識略作魯克沁曰連木齊城西八十里有小城新疆識略作勒木津曰雅圖庫城七十里有小城新疆識略作雅士溝曰罕都城西北一百里有土城西南有小山上有二墩相傳漢時所築新疆識略作漢墩曰蘇巴什城西一百五里有小堡迤西入北山口東西兩岸石壁削立或沙城斜倚谷間水流甚急艱於行曰森泥木城東一百三十五里有城二西有長河新疆識略作僧吉木曰洋赫城西南二百三十里有小城一統志無新疆識略作英格今屬吐魯番曰哈喇和卓城西南二百六十里地方三里許即明之火州舊城已廢民別居小堡土膏肥美水源北出金嶺下經沙磧至滲金口滙爲渠入哈喇和卓唐交河郡高昌縣治也今屬吐魯番曰阿斯塔克城西南二百六十五里有城相傳其先國師所居一統志無新疆識略作阿斯塔納今屬吐魯番曰玉門口城西二百七十五里東北兩山陡立徑寬平內外皆有墩臺舊有闢名古玉門關已毀存口玉二小字可辨爲土爾番哈喇和卓往山北大路漢玉門關實不在此蓋其國慕中國故以名其山口今屬吐魯番曰勒木不城西南二百八十五里有小城西南四百里即羅布淖爾曰土爾番城西三百二十二里北倚金嶺嶺麓有泉南流周遶國城民資灌溉氣候溫暖無雨雪唐高昌縣有安樂城即此乾隆二十一年封莽噶里克爲札薩克公駐其地尋叛伏誅封額敏和卓子素齊瑪於此今爲吐魯番廳治曰招哈和屯城南三百五十里招哈郭勒出北郭勒之水分道南流環城左右即漢時交河舊地也北倚金嶺形勢佳勝民物殷繁新疆識略作交河城蓋招哈即交河之轉音今屬吐魯番曰雅木什城西三百六十八里城周里許東倚金嶺今屬吐魯番曰安濟彥城西三百七十三里城周里許不當孔道新疆識略作安吉彥今屬吐魯番曰布干城西三百八十三里有城周二里許新疆識略作波哀今屬吐魯番曰托克三城西四百十三里有城周二里許新疆識略作托克遜今屬吐魯番曰伊拉里克城西四百五十三里有城周里許闡展西盡境也今屬吐魯番曰汗和羅城西北一百五十里天山下土爾番北鄙也山形環抱地勢幽敞新疆識略作漢和囉曰穆圖拉克城西北一百九十五里新疆識略作穆爾圖拉克今屬吐魯番曰布拉克城西北一百五里今屬吐魯番按一統志無特斯塔克洋赫三處新疆識略無特斯塔克而有濟木薩餘與西域圖志同又按乾隆四十四年以前吐魯番廳未設故西域圖志一統志皆以闡展爲屯兵要地其二十九屬皆統吐魯番而言之其後置吐魯番尙未設鄯善縣故新疆識略二十九屬又統闡展而言之今畫略分疆各有統屬然地名已數易矣

纏回爲地著有多羅郡王者領回部事今稱葉郡王是也多羅郡王者名葉明和卓其先

額敏和卓系出葉爾羌雍正十年封吐魯番札薩克輔國公始移駐縣境魯克沁城領回部事乾隆二十四年封多羅郡王至此九傳矣**纏回**劬於農漢回徙自關隴視

纏回十一漢民十九皆雜居縣鄙而聚族於附郭之東八柵及七

克騰木西域圖志作齊克塔木**魯克沁**漢墩連木沁諸處七克騰木者形勢險曠

新疆圖志

建置一

六

安集延所據以抗官軍者也土宜來弁棉桑井渠鱗次無饑饉之

虞山出煤炭石英即水晶熊狐之皮以褐裘裊牛馬之革以爲鞮鞜鞞

鞞獨羊羸羊之毳以素絢絙羴羊之角以合藥餌往往獲奇羨而

蒲桃棉東賈關內西賈俄羅斯歲率百餘萬觔

鎮西者北極高四十三度五十三分偏京西二十三度五十分夏至晝長六十一刻一分夜長三十四刻十四分冬至晝長三十四刻十四分夜長六十一刻一分午正日景夏至長三尺六寸七分冬至長二丈三尺七寸一分春秋分長九尺五寸四分

漢匈奴東蒲類王茲力支地也西域傳匈奴東蒲類王茲力支將人衆千七百餘人降都護**國於四山之**

中瀕蒲類海漢西域圖考自奇臺而東三十里入山五百六十里至勒巴泉塘山勢始開又東二百六十里而復合山環如城中爲巨泊今名巴爾庫爾淖爾即古之蒲類海也祁韻士西域釋地云蒲類海一名婆悉海在城北

北沙山之下東西一百餘里對岸廣數十里行人東漢時屬伊吾廬常爲戰地謹案漢書宣帝本始

早行過此往往見有樓臺殿閣城垣街衢之狀

蒲類將軍約烏孫合擊匈奴蒲類澤東漢明帝永平十六年竇固破呼衍王於天山追至蒲類海班超將兵別擊伊吾戰於蒲類海和帝永元三年單于衰弱至蒲類海欽塞桓帝元嘉元年伊吾司馬毛愷之遣兵與呼衍王戰蒲類海悉爲所沒敦煌太守馬逢出塞至蒲類海呼衍王引去張璠疏所云

呼衍王常轉展蒲類海秦海之間是也

二國屬鮮卑元魏屬蠕蠕謹案北史宣武帝永平中高車主彌俄突擊殺蠕蠕主伏圖於蒲類海即

其地**隋屬伊吾郡後入突厥唐屬伊州伊吾郡景龍四年於伊州西**

北三百里置伊吾軍元和郡縣志伊吾軍在伊州西北三百里折羅漫山北甘露川置刺史爲使西域圖志云唐伊州伊吾口故城基址以元和志新唐書伊吾縣南有陸鹽池及鹽池海之說推之是

當時縣治在鹽池北也今哈喇和屯適當鹽池之北疑屬唐伊吾縣故城漢舊城隋新城皆在今哈密至唐置伊吾軍乃移建縣治於此今案元和志明言伊吾縣郭下且伊州八到與今廳城地位相當鹹池海在縣南三百里陸鹽池在州南六十里均不得移之山北也甘露川當即今之巴爾庫勒淖爾**宋屬伊州元爲別失八里東境屬亦都護明爲衛拉特**

屬和碩部明末固始汗遷西海此爲準噶爾台吉游牧康熙五十四年內屬其界東二百二十里至東山口西窟泉接哈密之回王牧地南一百九十里至橙槽溝接哈密及鄯善西三百五十里至羊腸溝即噶順溝接奇臺北四百里至沙灘北沿蘇海圖接烏里雅蘇臺東南二百里至柵門口接哈密西南二百七十里至陶賴溝接鄯善東北五百四十里至沙灘北沿接蒙古札爾薩克圖汗部之明岡西北七百里至沙灘北沿接科布多東西五百七十里南北五百九十里地分三鄉有莊二十四曰大泉西渠城東二曰大泉東渠

城東二曰大黑溝城東三十里曰小黑溝城東三十里曰石人子城東五十里雍正七年岳威信公於此獲漢碑度之幕府十三年撤兵移置城北關神武祠西階下建亭覆之即今所傳敦煌太守裴岑紀功碑也曰拱北爾城東七曰奎素城東九十里西域圖志作奎蘇曰沙山子城東一百里與哈

密之塔勒納沁接界其南爲招摩多康熙三十五年撫遠大將軍費揚古征噶爾丹兵至招摩多探知噶爾丹在特勒克濟相距二十里追及大敗之降二千餘人即此曰柳溝城東一百五十五里曰板廠溝城東一百一十五里曰樓坊溝城東一百一十五里曰西園子城西五里曰西大墩城西二十里曰蘇吉城西九里曰

紅柳峽城西三百五十里曰二道河城北二十里曰武威戶城北五十里曰三四渠城北四十里曰大有莊城北四十里曰民戶城北四十里曰東頭渠城北五十里曰西頭渠城北五十里曰察哈泉

新疆圖志

建置一

七

城北三百八十里曰三塘湖城北二百四十里水草豐美東通歸化城北通烏里雅蘇臺西通科布多北路通衛商賈輻輳訊所因失火起燒今已六十餘年坎底皆灰其深不測案正字通遼東北有火穴名塘煨地夜明皆其屬也西域圖志宜禾縣如畫或有物去池三十步無巨細脅入池中集韻熟灰謂之塘煨是自有此一種非遺火也與鎮西府同治屬

地十四曰鏡兒泉治西北六十里自縣治西北行五十里歷五墩又十里至其地曰木城治北九十里西南境有石城子自鏡兒泉東北二十里至石城子又東十里至其地曰三塘治南一百六十里自木城東北行二十里至柵門口踰山五十里至其地曰石人子治東五十里自縣治東歷固原堡大泉至其地其西南境有東黑溝曰奎蘇治東九十里當巴爾庫勒淖爾發源處左右兩流之間曰松樹塘蒙古語謂招摩多治東南百六十里南踰庫舍圖達巴至南山口接哈密界曰沙山子在石人子東北八十里踰巴爾

庫勒淖爾三河源至其地曰呼濟爾台治東北一百五十里其東南踰山十里有鹽池曰圖古里克治東二百九十里又東南行一百二十里自多都摩接哈密界曰哈喇和屯在圖古里克北三十里曰度濟治西九十里北有小山東曰尖山子西曰獨山子曰庫爾墨圖治西一百二十里又西六十里爲肋巴泉塘哈畢爾噶布拉克出其地曰西里克拜牲治西二百三十里有烏爾圖水塘烏爾圖布拉克出其地曰噶順治西南二百七十里有泉出山下南流其北四十里爲鄂龍吉有舊城噶順西接奇臺縣界今昔地名多

地居兩山之中形勢陜阨當孔道亦一都會也謹案南山綿亙數千里山巔有闕神武祠祠東三十餘步有石室度塘左屯衛將軍姜行本碑相戒不得拓拓即致風雪北山亦名木城山至城東復與南山合康熙雍正之間兩駐大兵康熙五十四年準噶爾襲哈密我駐防兵二百率回卒奮擊賊退有佐領色拍爾者俘獻準噶爾賊以秋將復襲告詔遣大兵屯巴里坤巴里坤駐兵自此始五十六年以富甯安爲靖逆將軍駐巴里坤雍正三年策妄阿拉布坦乞降闕展吐魯番回子內徙撤大兵還雍正七年大軍復駐巴里坤甯遠大將軍

岳鍾琪鎮之八年岳鍾琪入觀紀成斌護理甯遠大將軍其後查朗阿張廣泗繼之十三年撤兵還其民皆來自秦隴其俗羯羗不均然厚重多君子鬻序之士祁祁如也好稼穡惡衣食以致其蓄藏有關

西之風當全盛之時修邊備列障起亭旃論相望稞麥魚鹽之饒甲諸部其地四達多重裝富賈珍異物聚道光咸豐之間稱相盛焉同治後數用兵編戶彫亡污萊不治商旅又多出南道民鮮居

積而井邑益蕭條矣

哈密者

北極高四十二度五十三分偏京西廿二度三十四分夏至晝長六十刻八分夜長三十五刻七分冬至晝長三十九刻七分夜長六十刻八分午正日景夏至長三尺五寸二分冬至長二丈二尺八寸五分春秋分長九尺二寸九分

分案西域圖志以伊吾與哈密音不相類意採采國人嘗居此因轉托采爲哈密攷史記大宛傳東則採采于闐索隱曰採采國名音採采前漢書作扞彌師古注云採音烏荀悅漢紀扞彌作扞彌扞聲相近後漢西域傳拘彌國居甯彌城是扞彌拘彌甯彌皆

一音之轉前書西域傳以扞名地者二扞泥扞零扞彌皆讀如烏又水經注南河東北逕扞彌國太平寰宇記扞彌國皆音烏未有讀如扞者侍行記云纏回之稱哈密皆曰哈木爾或呼庫木爾稽古者以哈密爲漢伊吾而不知哈密之名亦元古和志伊州納職

縣北有俱密山是哈密因山得名唐初以然今三堡西北之哈木爾達坂即古俱密山西戎語哈俱庫克等音均可通用有哈木爾山而知哈密主名尚在迤西非可以一城概之也哈木爾即元之哈密力明初之哈梅里永樂後之哈密衛史官不知土音之爲哈

梅里誤分二地猶天方之與默德那耳俱密哈密力哈密里哈木耳一音異譯非親詢耆老烏乎知之據此益見西域圖志之爲鑿空矣 **漢伊吾盧地爲匈奴呼衍王庭**

後漢書竇固傳云至天山擊呼衍王追至蒲類海留史十屯伊吾盧城 **明帝取伊吾盧置宜禾都尉**侍行記云漢伊吾城非今哈密城章懷注竇固傳伊吾盧今納職縣伊吾

故小城元和志納職縣後漢置宜禾都尉北史薛世雄於漢舊城東築新伊吾城蓋唐之伊州即隋之新城也當今廳城左右納職縣在州西當今三堡左右漢伊吾在納職界當今頭堡或二堡地 **其後漢常與匈奴**

復置都尉北魏屬蠕蠕孝文帝太和十二年蠕蠕伊吾戍主高羔

子以城內附後魏置伊吾文獻通考 **旋爲鄯善人所據**初鄯善爲沮渠無諱及魏兵所破鄯善分散 **策納**

職城元和至胡爲鄯善爲納職因名 **兩屬於鐵勒及西突厥隋大業六年置伊吾郡隋亂**

復臣於西突厥唐貞觀四年其酋居七城降置西伊州六年改伊

州天寶初爲伊吾郡乾元初復爲伊州侍行記云元和志東南至上都四千四百三十里西南至西州七百三十里東南取莫賀磧路至瓜州九

新疆圖志

建置一

八

百里正南微東至沙州七百里天山在州北百二十里形勢與今廳城同 **管縣三伊吾**侍行記云兩唐志並云南去玉門關八百里又云東去陽關二千七百三十里陽關與玉關同在壽昌縣何懸殊乃爾 **柔**

遠侍行記云元和志柔遠西北至州二百四十里天山在縣北二十里柳谷水有東西二源出縣東北天山南流十五里合今廳東北二百三十里沁城北有大天生圈小天生圈二水至城南合流與元和志說正符 **納職**侍行記云

元和志納職東北至州一百二十里縣北俱密山山北正抵蒲類海是今三堡地也 **廣德後沿於土番領州者陳氏自唐開元迄**

宋初傳十世侍行記云或以爲五代時屬仲雲族非也石晉高居誨使于闐記沙州西渡都鄉河曰陽關西曰仲雲族小月支遺種牙帳居胡盧磧漢屯田伊吾盧蓋其地也西行入仲雲界至大屯城仲雲遺宰相西人都督

三十七人候晉使者西涉鹹磧渡陷河又西至紺州又二日至安軍州遂至于闐按居海既渡黨河山陽關西入仲雲界已遵漢人自墩煌至鹽澤之路豈後折還東北向伊吾城乎胡盧磧者哈喇沙也西域此名最多哈密有哈喇烏蘇吐魯番有哈喇和卓羅布

淖有哈喇庫爾古時統稱胡盧磧非專屬伊吾居海云蓋其地也是磧中有伊吾屬地未必謂胡盧即伊吾也伊州有陳氏爲將何來宰相大屯城蓋即新唐志蒲昌海南之七屯城疑樓蘭衰微小月氏種自南山來有其國陷河即且未永紺州蓋今卡牆唐元樊

自西域還太宗令鄯善迎於沮末至石晉時驛道未盡廢也 **雍熙以後并屬西州阿薩蘭回鶻元時稱哈密力**

屬火州之畏兀兒元史巴爾朮阿而忒的斤傳 **後以封宗室翽王喃忽里**侍行記云明史哈密傳元末以威武王納忽里鎮之

尋攷肅王然元史諸王表出伯大德十一年由威武西甯王進討翽王祐延七年口忽里襲封初未嘗爲威武王若肅王則爲寬徹天歷二年封非喃忽里也宗室世系表喃忽里之叔父曰亦憐真八的王明史亦憐真傳漢英西討獲翽王亦憐真則鎮哈密者爲翽

王哈密傳所云安克帖木兒未必是喃忽里之弟 **明永樂中其族來朝貢封忠順王賜金印四年立哈**

密衛後又封其一爲忠義王自是一王並貢正德後爲吐魯番酋

莽肅爾一作滿連兒 **所據閉嘉峪關棄哈密後復內附**明初稱哈梅里西域回紇來貢者多爲所遏洪武二十四年涼州總兵宋

晟討之擒其王列兒怯帖木兒永樂二年封安克帖木兒爲忠順王迤北可汗鬼力赤毒死之凡子脫脫嗣四年立哈密衛授頭目十九人爲指揮等官明年頭目作亂命宋晟發兵防禦八年脫脫卒封從弟免力帖木兒爲忠義王宣德元年卒命脫脫子卜答失

里嗣忠順王年幼以脫歡帖木兒嗣忠義王自是一王並貢其地種落雜居一回一回畏兀兒一哈喇灰頭目不相統王庸懦莫能制正統中瓦剌酋數侵之天順中王母主國迤北酋亂加恩蘭襲破其城王母率部落南走苦峪成化初還故土以脫歡帖木兒外

孫把塔木兒爲右都督攝王事八年爲吐魯番速檀阿力所破復徙苦哈十八年其王罕慎規復哈密八城宏治元年土魯番阿里麻襲殺罕慎五年訪求忠順王族人陝巴於安定衛納之六年嗣里麻襲執陝巴八年甘肅巡撫許進自羽集也川潛師倍道拔其城民窮難守散走苦峪及瓜沙州正德八年陝巴子王拜牙即爲吐魯番脅降經略彭澤厚賂番酋索歸城印不果嘉靖中瓜沙番肅州屢被番寇廷臣借以頃疆吏番酋滿速兒益驕許之通貢閉嘉峪塞哈密後有回回都督寫亦虎仙之姪婿米兒馬黑木爲之長蓋吐魯番所立非忠順王裔迄降慶萬歷猶比歲一貢天啓以後準噶爾強逐土魯番所置哈密城長而額魯特諸蒙古遂來雜處哈密遺民之南徙者分立伯克五人於瓜州采金以事準首問與中國通市仍稱哈密

聖清興哈密衛輝和爾都督入貢順治四年及土侖泰爲王助河西回丁國棟爲亂被誅絕其使其後復許通貢康熙二十六年其酋額貝都勒拉俘噶爾丹子及其屬以獻

賜札薩克印綬地始內屬編旗分視各蒙古建回城以居之時康熙五十六年也六傳至伯西爾同治初殉回難追贈親王世其爵尋置直隸廳其界東

五百五十里踰星星峽接甘肅安西南八十里至草湖接甘肅敦煌西四百六十五里踰一盃泉接鄯善北一百七十五里至松樹塘接鎮西東南五百八十里至博羅圖沁接甘肅敦煌西南四百餘里至十三間房接吐魯番東北六百二十餘里至阿達什山雙井子接喀爾喀蒙古西北三百餘里至拍勒布爾噶斯勒巴泉梯子泉接鎮西東西一千一十五里南北二百五十五里地當山陽廣衍沃野圍林蕃廡泉甘而氣暖爲東路之冠有莊三十五曰東

新疆圖志

建置一

九

新莊城東二十里漢民居之曰黃蘆岡城東七十里曰長流水城東百四十里曰煙墩城東二百一十一里曰風洞

城東二百七十里曰苦水城東三百五十里曰謙泉城東三百九十里曰沙泉城東四百三十里曰紅柳園城東四百六十五里曰星

星峽城東五百二十里曰火燒莊子城南二里曰花果園城南六里曰大園子城南十里曰小南湖

城南三十六里曰大南湖城南七十里曰頭堡城西七十里曰二堡城西一百一十里曰三堡城西一百一十里

道嶺城西二百四十里曰泥跡頭城北二十里曰黑帳房城北八十里曰南山口城北百二十里謹案一統志哈密城北有碑嶺往巴

里坤軍營路必由此土人名爲闢石圖上有唐碑文多剝落尙存侯君集領十四萬軍等字按唐貞觀十三年侯君集爲交河道大總管伐高昌十四年拔其城高昌降君集刻石紀功而還高昌即今吐魯番東鄉三堡也哈密在其東一千餘里當是軍集既平高

昌凱旋而東途經此山因刻石紀功云非勒銘於高昌國也以地望準之當在今哈密北南山口左右唐姜行本碑在鎮西廳天山上其地亦名闢石圖與此異曰洋圈溝城北一百六十里曰鐵爾

版金莊城東南十餘里謹按明一統志馬駿山在哈密東有望鄉嶺鎮上龕李陵題字處以今地望準之當在鐵爾版一顆樹左右曰一顆樹城東南四十里曰蔡湖莊

城東南六十里漢民居之曰四堡城西南百七十里曰五堡城西南百八十里曰大泉灣城東北四十里曰胳膊井城東北八十

曰謙泉子城東北百四十里曰回莊子城東北百六十里曰沁城城東北二百一十里曰東山在沁城東百餘里草木叢生禽獸繁殖便畜牧又田

地藉雪水灌溉歲有餘糧恒輸鎮西蒙古一帶爲纏民聚落之富庶者曰小堡在沁城東北八十里皆其屬也謹按唐書西域傳貞觀四年伊吾城西曰朝頓利滅舉七城降以其地爲西伊州明史哈密傳

成化十八年哈密右都督哈森夜襲哈密城破之蘭雅遁走乘勢連復八城遂還居故土唐七城明八城今不能指其所在矣西域圖志作十四城曰蘇木哈喇城亦名頭堡城西六十里其東南有村五泉二十五處西陲要略作素們哈爾輝五大回莊之一新疆

識略作蘇門哈爾輝曰阿斯塔納亦名二堡城西八十里有村三泉二十三處西陲要略五大回莊之一曰托郭樓亦名三堡城西一百二十里有村五泉十三處最著者白楊溝柳樹泉二水南流數里乃合西陲要略作托克齊五大回莊之一新疆識略作托克

齊曰拉布楚喀亦名五堡城西一百四十里有村十三泉九處小河一道西陲要略作拉卜楚克五大回莊之一新疆識略作拉布楚哈曰哈喇都伯亦名四堡城西一百六十里有村二十三泉八處迤北二十里有大泉流水成渠西陲要略五大回莊之一曰賽

巴什達里雅城東北二十里地以湖名其東北境爲牛毛湖兩湖左右皆有屯田一統志作賽巴什新疆識略無曰格子煙墩城東南二十五里曰星峽城東南四百九十里接安西州界雍正十三年征準噶爾出師於此修途轉餉有民人楊可祿修路碣曰多都摩珍城東二十里東西皆有泉源出天山北麓夾流過多都摩珍北合流百餘里瀦爲大澤曰德都摩珍城東北二百八十里東西皆有泉即塔勒納沁河之北源也新疆識略無曰塔勒納沁城東北二百廿里有土城一有屯田曰半池泉在塔勒納沁東南二百五十里蓋唐柔遠縣地一統志無曰柳樹泉城南六十里地以水名踰河而至一統志無曰博羅圖阿城東南四百里經柳樹泉哈什泉酤水大泉至此接安西州爲敦煌縣北界新疆識略作博羅特口以上屬哈密曰察罕和羅海在哈喇都伯西七十里哈密西境外南臨大磧一統志作察罕托羅海曰內勒袞在察罕和羅海西七十里地多碎石有水草南臨大磧曰阿薩爾圖在內勒袞西六十里南有澤名沙拉淖爾又南臨大磧曰伊里克庫木在阿薩爾圖西六十里南臨大磧曰察克瑪克塔什在伊里克庫木西六十里南臨大磧曰額什墨在察克瑪克塔什西五十里南臨大磧又西百五十里至洪入闡展界以上六處新疆識略俱無又接西域圖志作十四城復別以察罕和羅海六城屬哈密境外而一統志改爲十二城省柳樹泉半池泉二處以星星峽入山脈類復益以境外之察罕博羅海合之爲十二城新疆識略屬邑十三內有上下莫艾兩處西域圖志一統志俱無

其民三種雜居而纏爲土著回王治之自軍興以來閭戶衰減及左宗棠規畫新疆漢民販繒帛稍稍隨大軍出關久之闢疇殖穀流亡還集三十年中增至五六百戶而漢回之來自秦隴者亦百有餘家光緒初大軍屯哈密人衆多取用宏商賈駢坐罷兵後帶頓之物無所委折閱者多初哈人好服斜布斜布之利傾一市其後俄商販藻布五色玢麗若濯錦出斜布上遠甚人爭取之斜布壅遏不可行於是商旅大困獨羊毳之輸出者歲尙八九萬觔瓜匏饒多其乾者或售諸遠方然其細已甚而俄商網取土物歸而機製之以倒輸本境其羨恒倍蓰焉

新疆圖志

建置一

十

地居四達羈旅失業之氓僑留者衆多無賴爲姦利健訟博塞游食相爲攘竊其地膏腴之士多屬王業回富而漢貧異族之民非特王符券不得入其境然其人懦異事上恭謹凡興大役舉大事出其財粟趨而奉之若恐後焉其王故畏兀兒種也居回城王府在西門內大阜

上極高城內纏回百餘戶按舊說謂明季哈密主來自葉爾羌或稱元裔或云回實領貝都拉畏兀兒種人非蒙非回而上溯四世亦無居葉爾羌者歲辛卯陶模撫新疆馳書詢哈密王世系是否由葉爾羌遷來及明季各部族迄今有無分別情形王達書略謂以額貝都拉爲受封始祖額貝都拉之高祖伊薩敏曾祖博啓祖默特雅爾父默特夏伊四世皆爲伯克以上無考然未聞明季由葉爾羌遷來之說畏兀兒哈喇灰同奉摩哈默教衣服亦同初以白布束頭故稱白帽回後有用雜色者稱紅帽回各族久無分別惟統稱纏頭回猶之江南江西統稱漢人而已卑部先世系白帽回相傳多畏兀兒回子孫其唐代留居中土改用漢裝者謂之漢回亦呼回回奉教雖同而習氣懸殊纏回樸誠漢回狡猾自來變亂多由彼倡禍也哈密二字乃蒙古語今纏回沿呼哈木耳卑部行回族文牘用回字呈京 轄城六曰哈密即今回城曰素木哈爾灰曰阿思他納

曰托哈奇曰拉珠楚克曰哈拉托巴見乾隆府廳州縣治有采地三萬汗腴多葦蕩豐水草牛羊馬皆脂臙異於衆有蘇拉滿廠者其馬爲回部冠其地原泉灌注森木際天尤多老柳有千餘年者侍行記云某阿渾家有九龍樹相傳千餘年物也實則老楊樹

地處處生根枝幹糾紛穿垣踰壁蔭十餘丈又按輪臺縣和吉莊有千年老柳覆蓋四畝亦號九龍柳云

庫爾喀喇烏蘇者北極高四十四度二十四分偏京西三十一度五十四分夏至晝長六十一刻七分夜長三十分四刻八分冬至晝長三十四刻八分夜長六十一刻七分正日景夏至長三尺八寸三分冬兩漢三國爲烏孫國地北魏爲高車國地周爲突厥

至長二丈四尺六寸一分春秋分長九尺七寸九分

入隋屬西突厥統葉護突厥既分咄陸建庭於鏃曷山西又屬咄陸初居是者爲處木昆部附於賀魯唐永徽中蘇定方出金山北擊處木昆部破之

西域圖考唐書金山有二突厥傳云居金山之陽爲今阿爾泰山人所知也其一即金娑嶺在高昌北亦曰金嶺唐置金嶺城亦曰金山寰宇記云時羅漫山西有大磧入金山寺羅錄住處

即此金山蘇定方破賀魯於伊麗水無由取道賀魯平設郡縣屬崑陵都護府統隸於北

庭復設葉河黑水二守捉

西域圖考引唐書地理志云輪臺縣又百五十里有張堡守捉即烏魯木齊境又渡里移建德河即瑪納斯河七十里烏宰守捉又渡白楊河即烏蘭烏蘇

有清鎮軍城即今阿雅爾泊又渡葉葉河有葉河守捉即庫爾喀喇烏蘇又渡黑水七十里黑水守捉即固爾圖喀烏喇蘇開元中置瀚海軍十六蕃州隸焉

此地屬葛邏祿部大漠元池二都督後稍南徙在金山北庭者自

稱葉護是此境也後唐同光初役屬於遼宋南渡後西遼建國伊

犁此爲北路重地入元爲回鶻明爲衛拉特

本朝初爲布爾古特臺吉呢瑪游牧呢瑪內附後附阿睦爾撒納

乾隆二十二年擒而誅之遂入版圖

雍正中兩大將軍出兵爲策安屯兵要地乾隆二十年征西之役此地□爲津要旣平準部設官駐防同於內地光緒十二年置廳

其界東一百一十里至石壘接綏來南一百八十里至南山

接甯遠西二百二十里至樺樹林接精河

謹按本境西界與舊略殊乾隆三十七年設領隊而晶河安阜城員弁及全境屯田皆隸入焉

漢西域圖考水道記諸書附安阜城於庫爾喀喇烏蘇是也四十八年改晶河巡檢爲糧員遂分屬晶河今仍之晶今作精北三百五十五里踰鄂倫布拉克

新疆圖志

建置一

十一

俗名漢三臺接塔城東南一百二十五里至南山接焉耆西南三百二十

里至樺樹林接精河東北一百一十里至五子石壘接綏來西北

三百廿里踰鄂倫布拉克接塔城東西三百三十里南北五百三

十五里有莊九曰奎屯莊

城東七十里曰乾河子

城西三十里曰西湖莊

車牌子

城北百五十里曰八十四戶莊

城東北二里曰九間樓莊

城東北五十里曰三箇莊

里曰六十戶

城東北九十里曰馬廠湖莊

城西北二十里皆其屬也

西域圖志庫爾喀喇烏蘇屬地十

孔道舊爲布爾古特臺吉呢瑪游牧處呢瑪內附授職從征後附阿睦爾撒納劫將軍和起乾隆二十二年將軍成袞札布遣副都統山屯等追至哈什郭勒上游阿爾齊圖山口擒之伏誅其地東與綏來縣屬之安濟哈雅接界曰布勒哈齊城西六十五里在布

勒哈齊淖爾西南境支河之間自布勒哈齊迤西一帶應屬唐時西突厥之攝舍提噉部地曰達木達喀喇烏蘇在布勒哈齊西六十里額布圖郭勒經流其地曰古爾圖喀喇烏蘇在達木達喀喇烏蘇西五十五里地有流泉瀦爲小澤曰多托克一統志作托克

多在古爾圖喀喇烏蘇西六十里有泉三道合而東北流曰鄂壘札拉圖在托多克西四十里阿睦爾撒納之叛將軍兆惠以偏師

往守伊犁至此與達什策凌等遇夜出擊殲賊千餘曰噶順在鄂壘札拉圖西三十里布勒哈齊淖爾瀦其北哈喇古顏鄂拉峙其

南曰烏里雅蘇圖在噶順西七十里有土城向爲西路大兵駐營之所曰晶河在烏里雅蘇圖西三十里地以河名乾隆二十三年將軍兆惠擒布爾古特臺吉渾齊於此二十八年建豐潤堡地沃衍有屯田今改置精河廳曰托里在晶河西六十里地有大小水清

圓如鏡今屬精河廳曰察罕拜牲在托里十五里有舊城今屬精河廳托和木圖在察罕拜牲西二十里其民雜居三

種

鄉土志漢民四百餘戶而蒙古舊土爾扈特黃教喇嘛復孱俾其間

鄂土志云察罕烏蘇

新寺有黃教四百人郡王巴爾雅統一將軍溝寺有黃教二百人貝子德恩沁阿拉什轄之一曰牙臺承化寺有黃教四百人以呼圖克圖察罕格根坤鳴托拉布嘉主之故其族類雜糅趨尙

多歧地皋沃五穀馮戎果隋之啟緣畛芻牧蕃息而柳花爲珍產

柳花者老柳叢生入夏著青綠華小葉襞積若治牆瀹之味微苦可以當茗中熱有宿醒者宜之人呼柳花茶茶其他金銀煤鐵硫磺石油之祕諸山川者不能出或出之以土法則折故民皆皆窳偷生而無積聚

伊犁者北極高四十四度十分偏京西三十五度四十分夏至晝長六十一刻一分夜長三十四刻十四分冬至晝長三十四刻十四分夜長六十一刻零一分午正日景夏至長三尺七寸三分冬至長二丈四尺零四分春秋分長九尺六寸四分**自兩漢迄晉皆為烏孫國地**西域圖考烏孫今伊犁地其始曰伊列後曰伊麗曰亦列曰益離皆音之轉漢時伊犁河以北為伊列國屬匈奴河南盡烏孫地初烏孫

王難兜靡為月氏所殺子昆莫新生傅父希就抱歸匈奴單于養之及壯與其父民眾使報仇時月氏已西遷塞王地昆莫攻之月氏走大夏昆莫因留居之故其地有塞種月氏種云武帝初昆莫有子十餘人中子大祿最強太子早死昆莫立其子岑陁為太子大祿擁兵叛昆莫分兵與岑陁別居亦自擁兵國分為三漢使張騫至其國欲得之以拘匈奴歸說於上上遣騫論昆莫莫內屬元封中以江都王女細君為公主妻之昆莫死岑陁嗣又尚公主主死漢復以楚王戊之孫解憂為公主妻岑陁死舍其子泥靡以國與大祿子翁歸靡約死時還泥靡翁歸靡立號肥王復尚楚主昭帝時匈奴擊烏孫取車延延師地公主上書請救宣帝立遣五將軍兵擊匈奴常惠與烏孫兵合大破匈奴匈奴即衰耗愈怨烏孫其冬單于自擊烏孫天大雨雪還者不能什一於是丁零與烏桓攻之烏孫亦擊其西匈奴遂弱時本始三年也元康二年肥王請以公主長子元貴靡為王復和親會翁歸靡死國人守前約立泥靡為王號狂王復尚楚主生一男鳴靡後不和又失衆心漢使魏和意任昌使其國謀殺之狂王傷而走其子細沉瘦以兵圍漢使都護鄭吉救之乃出狂王旋為翁歸靡胡婦之子烏就屠所殺自立為昆靡復降漢乃立元貴靡為大昆彌烏就屠為小昆彌時甘露元年也三年元貴靡死子星靡嗣為大昆彌黃龍元年郵支單于走右地遣使見烏就屠與并力烏就屠殺其使以兵迎郵支為所敗郵支既并丁零堅昆屢攻烏孫會康居亦與烏孫構兵迎郵支至元帝建昭三年漢使陳湯由烏孫抵康居擊斬郵支禍始息星靡死子雌栗靡嗣小昆彌烏就屠死子拊離嗣為弟日貳所殺漢立拊離子安日為小昆彌安日使客刺殺日貳旋為降民所殺漢立其弟末振將以代時大昆彌雌栗靡國大和末振將遣人刺殺之漢遣段會宗與都護圖方略立雌栗靡季父公主孫伊犁彌為大昆彌久之大昆彌翎侯雞婁殺末振將安日子安犁靡代為小昆彌漢恨不自責誅命段會宗斬末振將之子番邸是歲成帝元延二年也未振將弟卑爰寔北附康居二畏彌畏之哀帝元壽二年大昆彌遂入朝卑爰寔又侵兩昆彌都護孫建襲殺之自分兩昆彌漢用焦勢而兩昆彌延世不絕常為大國東漢明帝永平十七年既定車師戊己校尉耿秉移檄烏孫大昆彌已

新疆圖志

建置二

十一

下來獻馬遣子入待章帝建初八年遣李邑護烏孫使者賜大小昆彌錦帛猶欲得其力以通西域也自後不見於史**北魏為悅般國**北史悅般在烏孫西北其先匈奴奴逐北單于度金微山西走康居其羸弱不能去者住龜茲北地方數千里衆可二十餘萬涼州人猶謂之單于王其風俗言語與高車同**有樂舞**北史詔有司以悅般國鼓舞之節施於樂府**又為高車**

國地通典高車蓋古赤狄之種也北史魏道武時分散諸部惟高車以類羸獷不任使役故得別為部落後太武征蠕蠕還至漠南聞高車東部在己泥陂人畜甚衆去官軍千餘里遣左僕射安原等討之望軍而降者數十萬落獲牛馬羊亦百餘萬皆徙之漠南千里之地乘高車逐水草畜牧番息數年之後漸知粒食歲致貢獻**周為突厥地**隋為西突厥及石國地文獻通考石或曰柘支曰柘圻

曰赫時漢大宛北鄙也**唐為西突厥及回鶻地**有數部皆隸北庭都護府一統志突騎施索葛莫賀部入唐為焉鹿都督府突騎鼠尼施處半部入唐為鷹沙都督府東境為回鶻契苾羽地入唐為榆溪州突騎施阿利施部入唐為黎山都督府皆隸北庭都護府**又西境為突厥施烏質勒**

部文獻通考突厥施烏質勒者西突厥之別種也初隸斛瑟羅下號為莫賀達干後以斛瑟羅用法嚴酷擁衆背之尤能撫恤其部落由是為遠近所歸附其下置都督二十員各統兵七千人常屯聚碎葉西北界後漸攻陷碎葉徙其牙帳居之東北與突厥為鄰西至庭州斛瑟羅以部衆削弱自武太后時入朝不敢還番其地并為烏質勒所并**為西突厥及斂赤**及卒其長子婆葛代統其衆詔使立婆葛為金河郡王仍賜以宮女四人一統志作突騎施

建國石國地大歷後葛羅祿居之新唐書葛羅祿本突厥諸族在北庭西北金山山西跨僕固振水包多但嶺與車鼻部接有三族一謀落或為謀刺二熾俟或為

婆旬三踏實力唐永徽初高俛之伐車鼻可汗三族皆內屬顯慶二年以謀部落為陰山都督府熾俟部為大漠都督府踏實力部為元池都督府即用其長為都督後分熾俟部置金附州**宋為烏孫遜於遼**西域圖考遼保大二年天祚播越大石擁立秦王醇醇死以其妻蕭德妃為太后守燕金兵入燕德妃走天祚天祚誅德妃責大石而大石不自安西走可敦城駐北庭都護府會七州十八部諭以興復得精兵萬餘整旅而西假道回鶻王畢勒哥導之出境兵行

萬里至尋思干城西域諸國舉兵十萬號忽而珊來拒戰大敗之回回國來降歲甲辰二月五日起至兒漫即位改元延慶即宋徽宗宣和六年也延慶二年欽宗靖康元年東歸得善地建都於虎思幹耳朶改元康國此即伊犁地文正西遊錄云阿里馬城又西有河曰亦列其西有城曰虎思窩魯朶即西遼之都是也自是始為居國大石在位二十年歿皇后稱制改元咸清在位七年歿子夷列立改元詔興在位十三年歿妹普速完攝國事改元崇福與駙馬蕭朶魯不之弟只里沙通殺駙馬駙馬之父幹里赤起兵討殺之在位十四年死仁宗子直魯古立改元天禧在位三十四年秋出獵乃蠻主曲出律伏**元為阿爾穆爾**舊作

兵襲報之以直魯古為太上皇據其國西遼遂亡時宋甯宗之嘉定四年元太祖之六年也

麻諸王海都行營處

元史譯文證補元之阿力麻里在今伊犁西遺址無徵要非甚遠自元史世祖本紀地理志西北地注二說歧誤遂聚訟紛如餘松西域水道記既辨地理志阿力麻力爲海都

分地之非復考正北庭西北行四五百里至阿力麻里道路之差世祖本紀阿力麻里在和林北方立之誤皆詳覈可據惟改阿力麻里爲阿里瑪圖則爲千慮一失阿里瑪圖自是河名阿力麻里自是城名圖有也里當即八里之省文猶言城阿里瑪阿力麻皆謂果譯字不同急讀之音仍無別李吏部光庭誤於世祖紀皇子北平王建幕於和林野里麻里地一語謂阿力麻里在今烏里雅蘇臺而以今伊犁西之阿力麻里援西遊錄西遊記斷爲當作阿里馬經世大輿圖明作阿力麻里明在庫里之北元之別失八里西遊錄作別石把西遊記作驚思馬皆奪里字地非同文述者各異豈可望文生義強爲區別耶多桑書作阿爾麻里克仍是八里克謂城之義明爲衛拉特地

聖清興準噶爾建庭於此乾隆中準部平始於伊犁河北分建九

城同治初回亂九城不守

始爲叛回襲據繼又爲纏回索爾塘奪踞

俄人以數百兵襲據之擅其

利者十有三年光緒初王師討平南北各城獨伊犁不下是時督

師左宗棠駐哈密欲分兵五路爲進取計而廷議難之其後卒以

金鉅萬收還而天山西北邊要之地蹙損至數千里亦可謂得不

償失矣今界東一百八十里至喀什河接額魯特營牧地

自喀什河東六百里至喀什山

爲額魯特營與庫爾喀喇烏接蘇界處此即舊日官兵演圍之所新疆識略所載之圍場也

南四十里至伊犁河接錫伯營牧地

伊犁河南七百里至

噶克察哈爾海驛爲額魯特營與溫宿縣接界處蒙語謂獨爲噶克察松爲哈爾海蓋其地以獨松得名

西九十里至霍爾果斯河接俄羅斯

東岸

有大路路南爲綏定縣轄境路北爲索倫營牧地

北二百餘里至賽木淖爾北岸接察哈爾營牧地

淖爾北岸

至索達巴罕第三十二界牌處爲察哈爾營牧地與俄羅斯接界之處

東南一百九十里至南山口札孚斯台接滿營

新疆圖志

建置一

十三

屯地及額魯特營錫伯營牧地

札孚斯臺東至哈拉塔木皆甯遠縣轄境又東至特古斯塔柳爲滿營屯地札孚斯臺南爲額魯特營牧地西爲錫伯營牧地又東南五百餘里至焉耆之那喇特領及庫車之哈拉哈奇爲額魯特營與焉耆庫車接界處西南

里至霍爾果斯河入伊犁河處接

俄羅斯

朗山口接滿營及額魯特營牧地

山口以外各圩子皆甯遠縣轄境山口以內則滿營及額魯特營分撥哈薩克各牧地自山口東北四百餘里至哈普塔海卡

里至闢里沁濟爾噶

倫爲察哈爾營與塔城接界處

西北九十里至北山

俗呼大西溝即察罕烏蘇水發源處

接鎮標馬廠地

山以外皆綏定縣轄境山以內爲馬廠又

西北至德木克畢達巴罕第二十八界牌爲察哈爾營與俄羅斯接界處

東西二百七十里南北二百四十餘里其地表

裏河山

格登山當其西南額琳哈畢爾罕塔勒奇諸山互其東北伊犁大河經其南察罕烏蘇河霍爾果斯河環其西北物產豐饒多富商大賈西陲

一大都會也有城九曰綏定

今縣即府治

曰甯遠

今縣將軍駐之理事同知亦駐此城隨將軍辦理旗務故

城在伊犁河北岸乾隆二十九年築五十九年就城東偏展築一百二十丈復爲河水所浸漸就頽圯光緒八年移築於故城北十五里即今惠遠新城也

曰廣仁

故烏克博爾博羅素克一曰蘆草溝城西北六十里

曰瞻

德故察罕烏蘇城

故霍爾果斯城西九十里西域圖志在伊犁西一百三十里有屯田

曰塔勒奇

城西南十里西域圖志在伊犁北一百二十里建小城一周三里城西北爲獨

山子清水河城北爲大西溝大東溝小東溝城西爲察罕烏蘇均有屯田

曰惠甯

故巴彥岱城東南七十里西域圖志在伊犁郭勒北惠甯城東南有屯田

曰熙春

故哈拉布拉克俗呼城盤子城東南八十里

皆其屬也

西域圖志伊犁東路屬地十有八西路屬地六十有二今按西路自霍爾果斯應以西皆俄屬故不錄入錄東路者益以西路之霍爾果斯共十有九處曰海努克在伊犁郭勒南二十五里舊有佛寺噶爾丹策凌建與固

勒札寺俱爲喇嘛坐牀之地兩寺喇嘛坐牀者四後燬於火乾隆二十七年建小堡於其地曰固勒札在伊犁郭勒北二十里乾隆二十七年築甯遠城於東岡上建

御製平定準噶爾勒銘伊犁碑各一俱四體書曰巴彥臺在伊犁郭勒北惠

甯城東南有屯田曰烏哈爾里克在伊犁郭勒北乾隆二十七年建綏定城有屯田今爲府治曰塔勒奇在伊犁北一百二十里建小城一有屯田曰沙布爾托海在伊犁西南一百四十里曰博羅塔拉在伊犁東北三百里山環水抱形勢殊勝乾隆中將軍班第

率師討準噶爾至此阿睦爾撒納冀爲四衛拉總臺吉不得擁衆竊據於此在唐爲雙河都督府地曰幹珠罕在博羅塔拉西南曰阿爾瑪圖在伊犁郭勒北一百里曰烏爾圖古爾畢在伊犁東北一百四十里曰博羅羅布爾噶蘇在烏爾圖古爾畢東北六十里即博羅布爾噶蘇西谷口外地舊爲琿臺吉唐古忒游牧之地爲伊犁東境門戶曰都爾伯勒津在伊犁東一百二十里空格斯哈什特克斯三部勒交會於此曰空格斯在都爾伯勒津東南三百二十里爲伊犁東南最要地山朝水東爲西域形勢之冠舊爲準噶爾烏魯特霍爾博斯鄂拓克游牧之所爲唐西突厥南庭曰哈什在空格斯北爲伊犁東最近要地與空格斯相唇齒形勢殊勝爲將軍班第尙書鄂容安殉節處曰納拉特在哈什南即納拉特達巴北麓地曰裕勒都斯舊對音爲殊爾都斯在空格斯東南二百里踰山而至東西六百里南北二百里四而皆山地饒水草宜畜牧伊犁東西屏障也舊爲準噶爾克里野特鄂拓克游牧之所

在唐爲榆溪州地曰哈布齊珍在裕勒都斯東一百八十里三哈布齊珍郭勒經流其地曰登努勒臺在哈布齊珍東天山南麓地饒水草曰和爾郭勒在伊犁西一百三十里有屯田一統志伊犁屬境二十有八東路與西域圖

志同而省去海努克固勒札兩處西路自和爾郭斯外尙有哈討以下十處今皆外屬故不錄

有額魯特游牧

二察罕爾游牧

一初乾隆朝平定準噶爾餘衆處之伊犁及塔爾巴哈臺地編爲額魯特旗其牧伊犁者特克斯

伊犁自分界以來中外之勢若處一堂其地曠野平原無關山險

要可守一旦有事而孤懸遠塞徵兵輓餉累月不能卽至而彼之

鐵軌朝發夕至利鈍遲速不可以道里相計名曰收復實空城也

就西北大勢論之庫爾喀喇烏蘇當東西上下之衝宜屯重兵爲

伊犁後援而復於博羅塔拉塔勒奇博羅布爾噶蘇諸處重設關

隘以固門戶庶幾進可以戰而退可以守詩曰迨天之未陰雨徹

彼桑土綢繆牖戶策邊者宜早爲之計矣附郭縣曰綏定唐絜山

都督府地也東六十里至脊梁子接甯遠南四十里至巴圖蒙柯

新疆圖志

建置一

十四

臺接額魯特營牧地西一百二十五里至尼堪卡倫接俄羅斯北

二百餘里至賽里木淖爾北岸接察哈爾營牧地東南一百五十

餘里至大博羅莊接甯遠西南一百七十餘里至阿爾班蘇木卡

接俄羅斯東北二百七十餘里至波羅塔拉莊接精河西北二百

五十餘里至別珍島地接俄羅斯東西一百八十五里南北二百

四十餘里而惠遠廣仁瞻德拱宸塔勒奇五城皆屬焉河湟之創

亂也光緒二十一年其良懦有挈拏來居者往歲俄復歸我漢回及塔蘭奇

曼及蒙古哈薩克環居境外隸伊犁將軍者不與焉而法國人石

天基自光緒八年來傳教建堂其後二十餘年而教士高日昇繼

之漢回之民頗有惑其說者土沃宜稻麥然僑雜浮食者衆農所

出粟不足取給工商多窳敝無所勸俄出其奇衮蚩眩以射姦利

而耗漏不可詰矣

鄉土志綏定商務不振製造亦未研究故吐魯番之棉花蒲桃湖商管商之茶斤蒙古哈薩克之牲畜均行銷於境內然楚弓楚得要非利益外溢也惟俄商進卡之貨奇拉遙巧歲耗鉅金

其洋布桂子皮尤爲大宗抵制之術伊於胡底其西九十里爲霍爾果斯卽拱宸城伊犁府之分防

廳也無轄地綏定東一百二十里爲甯遠甯遠舊固勒札城伊犁九城之一與伊塔道同治惠甯熙春兩城屬焉其界東百二十里至阿瓦克接焉耆府屬土爾扈特牧地南九十餘里至海努克臺接厄魯特營牧地西六十里至脊梁子接綏定北四十里至闡里沁接察哈爾營牧地東南二百四十里至胎美特接額魯特營牧地西南一百二十里至下加孚斯臺接綏定東北一百五十里至博羅布爾葛蘇河西岸接額魯特營牧地西北四十里至新老甘溝接綏定東西一百八十里南北一百三十餘里有莊五十七土人呼莊

子曰頭圩子城東十里曰克伯克城東十里曰托和拉卡城東廿里曰開弭城東四十里曰亥買

城東四里曰哈底爾城東四十里曰買賣雅爾城東四十里曰沙底克城東四十里曰布拉把

什城東五十里曰托古斯塔拉城東五十里曰毛拉托古大城東五十里曰百什穩城東五十里

曰日出溫城東十五里曰托和吉城東六十里曰思拉木城東六十里曰阿布拉什城東六十里

曰多拉城東六十里曰巴依圖海城東六十里曰買賣提敏城東七十里曰阿哈台城東七十里

曰胡大乎立城東七十里曰波羅吉城東七十里曰阿卡密城東八十里曰阿吳尼牙子

新疆圖志

建置一

十五

城東八里曰阿拉博斯城東八里曰呼魯斯台城東八里曰薩哈城東九里曰薩木薩

克城東九里曰白羅愷城東九里曰阿通城東一百里曰哈山城東一百里曰買賣蘇皮城東一百里

一十曰哈底城東一百里曰玉去溫城東一百里曰蘇魯塘城東一百里曰哈什城東一百里曰阿

挖克城東一百二十里曰蘇蒲臺城東一百四十里曰合拱極城東六十里曰雅樂各斯城東六十里曰坎

圩子城東七十里曰恰博恰城東八十里曰努克城東九十里曰下加孚斯台城東一百一十里曰上

加孚斯台城東一百二十里曰胎美特城東二百二十里曰城盤子城東一百一十里曰巴彥岱城東一百一十五里曰

巴彥岱二三段城東一百三十里曰達大木圖城東一百一十里曰潘津城東一百一十里曰吐魯番城東一百一十五里

曰肉則買提城東一百一十里曰吉爾格朗城東一百一十五里曰五工城東一百一十里曰哈里登城東一百一十七里

曰綽絡海城東一百一十里皆其屬也地當邊徼內纏回而外蒙哈言語不通

嗜欲不同近歲俄國纏民來占籍多至千餘戶而業工商者各三

百餘家山出馬牛**鞞**狐狼虎鹿狍俄商歲取皮毳以爲氈毼染耦

鞞鞞之屬雅爾緞桂子皮氈毯革履皆來自俄銜鬻於市以與我角逐彼常贏而我常絀纏

民性塞懦服耒耨薰習宗教往往通斯拉夫族語言哈回之狡者

倚俄爲姦藪殺人攘貨愍無忌畏一旦興訟外人包庇常不得直

故居其地者時有其人其鹿之憂焉

精河者地以河名

北極高四十四度三十三分偏京西三十三度三十分夏至晝長六十一刻九分夜長三十四刻六分冬至晝長三十四刻六分夜長六十一刻九分午正日景夏至日長三尺八寸五分冬

至長二丈四尺七寸春分秋分長九尺八寸四分

漢魏為烏孫晉後為鐵勒部所居魏書稱金山以南

諸部是也

諸部為西突厥處羅厚欽鐵勒

隋唐為西突厥唐書所謂經黃草泊大漠小磧

又地理志稱渡石漆河

西域水道記云晶河出安阜城南山其山即伊犁喀什河北岸山陰也山有峽口曰登努勒臺唐書地理志云黑水守捉又七十里有西林守捉又經黃草泊大漠小磧

渡石漆河踰車嶺至弓月城過思渾川蟄失密城渡伊麗河蓋即由登努勒臺至伊犁也石漆河或晶河舊稱自固爾圖喀喇烏蘇軍臺西北經托多克軍臺路行叢葦中草高於人又西北皆沙阜難行所謂草泊小磧也

蓋即此地

元為曲兒只地

元史憲宗二年以曲兒只地封別兒哥三年改名忽兒只明為衛拉特屬準噶爾其博羅塔

拉屬綽羅斯明末和碩特并烏魯木齊而此地又屬和碩特

聖清乾隆初策妄阿拉布坦既有準地而此地復為所并及將軍

兆惠擒布爾古特台吉渾齊於此

乾隆二十三年

地始內屬

初築安阜城復建豐潤堡後乃置廳

其界

東一百八十里至樺樹溝接庫爾喀喇烏蘇南九十里至南山接

甯遠西二百里至石碑接綏定北一百二十里至喀喇塔拉額西

柯淖爾接塔城東南一百一十里至南山接庫爾喀喇烏蘇廳屬

土爾扈特牧地西南二百里至登努斯口接甯遠東北三百一十

新疆圖志

建置一

十六

五里至甘家湖接塔城廳屬土爾扈特牧界西北一百一十里至

博羅塔拉城接察哈爾營牧地東西三百八十里南北二百一十

里其山礮礮沙磧三百餘里自大小鹽池外彌望皆瀉鹵莽冨無

居人可耕可屋之地僅附城二三里許及永集湖十餘里之間故

其地石留瀝漏聚落稀疏曰東鄉

即本城一帶東界樺樹林西界十里橋南界南田北界鄭家莊

曰北鄉

城西北二里東界黃家莊北界沙泉

曰體仁鄉

城西二十里東界十里橋西界永集湖南界三個莊北界新草湖

曰里仁鄉

城西一百二十里自大河沿至永集湖以西

里僅官道一綫歸廳管轄兩旁膏腴均隸土爾扈特蒙部僅驛

處皆其屬也五鄉漢回纏之民不盈二千其俗褊急巧偽趨利薄

恩禮好生分而蒙古舊土爾扈特牧博羅塔拉食封爵長子孫傳

十一世至今貝勒有衆二千七百穹廬毳幕隨畜逐水草好飲酒

不事耕作初開省之時巡撫劉錦棠奏設博羅塔拉巡檢嗣以其

地屬察哈爾兩翼牧場久而未設而蒙人私招漢民耕種者近三

百戶商賈百四五十家駸駸有成聚成都之勢其地土肥水沃袤

延六七百里南北兩岸山林蒼蔚中為薩爾巴克圖大河源出賽

里木淖爾北境之山河流長瀉徧地皆有伏泉掘孔得水夏不涸冬不冰墾地開渠宜於稻穀上田種一石可獲八十石中下亦獲四五十石誠土壤之腴區自然之地利也察哈爾旗兵游牧春冬則插帳南山夏秋則移窩北嶺並無在平地駐牧者沃野荒蕪同於棄地又大河沿一帶爲土爾扈特游牧之所壤於博羅塔拉相接南北約百里東西四十餘里商民駐其地者五六十家近市墾種者三四十戶若設官招墾可得稻田六七十萬畝光緒三十二年新疆布政使王樹枏上議請仿照光緒十六年奏准劃撥滿營旗地與綏定甯遠兩縣民地界址成案以山內爲牧場山外爲民地闢萊任土可使足民邊境富強之策無急於此者伊犁將軍固執成例格不行論者惜之

塔爾巴哈臺者

北極高四十七度五分偏京西三十三度三十分夏至晝長六十二刻十分夜長三十三刻五分冬至晝長三十三刻五分夜長六十二刻十分午正日景夏至長四尺三寸七分冬至長一丈八尺三寸四分春秋分長一丈零七寸六分

漢匈奴右地呼揭車犁烏藉閏振鄧支伊利目六單于迭居之

漢書匈奴傳西方呼揭王叛去自立爲呼揭單于右奧鞬王聞之即自立爲車犁單于烏藉都尉自立爲烏藉單于後烏藉呼揭去單于號并力尊輔車犁屠者單于擊呼韓邪單于兵敗自殺從弟休旬王自立爲閏振單于其後屠

新疆圖志

建置一

十七

耆單于小弟亦亡之右地自立爲伊利目單于閏振擊鄧支單于鄧支殺之并其兵三國爲鮮卑右部北魏爲高車國其西境爲

蠕蠕國地周隋爲突厥地唐屬車鼻其南境爲葛邏祿雜居

葛邏祿三族當東西

突厥間常視其興衰叛服不常後稍南徙自號三姓葉護廷州以西諸突厥皆畏之葛邏祿南徙始盡屬結骨後改名黠戛斯

唐書車鼻

傳云居金山之北北結骨西葛邏祿皆統之後葛邏祿南徙始盡屬結骨黠戛斯傳云太宗貞觀廿三年結骨酋俟利發入朝以其地爲堅昆都督府授俟利發都督隸燕然都護高宗至元宗世凡七朝貢肅宗乾元中破於回紇更名曰黠戛斯回紇授其酋阿熱

爲俟斤回鶻衰自稱可汗武宗朝以兵攻回鶻得太和公主獻於朝中途爲烏介可汗所奪阿熱遣使吾合素上書訟之遂徙牙牟山之南烏介敗奔黑車阿熱討之以殘卒歸宣宗大中元年册爲可汗懿宗咸通中三貢後不見於史又本傳云青山之東有劍河

水悉東北流經其國合而北入於海李光庭謂即今之額爾齊斯俄濃果莫孫諸河正今塔爾巴哈臺境按唐岑參輪臺歌羽書昨夜過渠黎單于已在金山西劍河風急雲片闊沙口石凍馬蹄脫亦正謂此地後周太祖時

廣順元年遼穆宗應歷元年

入貢於遼宋南渡後爲乃蠻國

西域圖考引元史太祖紀乃蠻泰陽罕來自按臺山是金山以西爲乃蠻境也泰陽罕之兄爲不魯欲罕

又其先有亦難赤當是泰陽罕父推其有國當在光甯之朝按臺即阿爾泰之音轉其後元太祖破泰陽罕於杭海山

杭海亦阿爾泰之變音也越

二年而稱帝代乃蠻擒不魯欲罕泰陽罕子曲出律奔也兒的石

河

一名煙尼塞河即額爾齊斯之轉音地入於元後封諸王屬昔里吉

西域圖考引元史劉哈刺八都魯傳云至元十七年昔里吉叛宗王別里鐵木兒征

之師次金山有使者自脫忽王所來左右曰脫忽所居要害始與昔里吉爲耳目遣兵窺之獲其騎三十知脫忽方欲酣出其不意擊敗之因獲昔里吉所遣使知其不備乘勢進擊大破擒之是脫忽居金山爲昔里吉耳目昔里吉又在金山之西即此地也謹案

昔里吉憲宗第四子別傳作失列吉別里鐵木兒太祖第三子闕端之孫脫忽太宗第七子滅里太王長子昔里吉既叛被誅始立塔爾八合你

驛即塔爾巴哈臺之音轉按元史昔里吉十四年始叛執北平王及安童無何被擒十九年遣札刺忽以聞是年三月立塔兒八合你譯明屬衛拉特爲土爾扈特部

治雅爾即舊雅爾城俗呼北雅爾

聖清乾隆中內屬

初康熙中其酋阿玉奇爲杜爾伯特策妄所虐絕其入貢熬茶之路掣衆投俄羅斯處之額濟勒河舊地爲輝特部所居其東境近額爾齊斯河則杜爾伯特部所轄也自噶爾丹東犯屯田

於杜爾伯特策妄因之策零又因之至阿睦爾撒納之亂亦以額爾齊斯爲始用兵蓋數十年乾隆廿六年西域大定其明年土爾扈特渥巴錫自俄來歸移北路三旗牧於和博克薩里始返故土焉

名其地爲塔爾

巴哈臺其地舊爲準噶爾游牧西北數千里皆哈薩克部落所居

形勢邈嶮四載之地也其界東八百餘里至烏隆古河接科布多

之布倫托海南六百八十里至沙拉札克台之爛房圈子接庫爾

喀喇烏蘇之漢三台西六十里至巴克圖山接俄羅斯之葦塘子

北七十里至烏里雅蘇圖山接俄羅斯之博爾果素台察罕鄂博

東南八百五十里至哲克得里克接綏來東北六百里至額爾濟

斯河接阿爾泰山之哈巴河西南四百二十里至烏蘭達布遜接

精河之博羅塔拉及俄羅斯之阿拉套山西北一百二十里至塔

爾巴哈臺嶺接俄羅斯之那拉特嶺東西八百六十餘里南北七

百五十里有莊九曰額敕勒河

城東一百四十里

曰三十里墩

城東一百七十里

曰烏什水

城東二百四十里 曰頭二工

城南四十里

曰新地

城南一百二十里

曰牛圈子

城西二里及二十里不等

曰阿克綽克

臺

城北四十里

曰哈拉克臺

城北七十里

曰烏里雅蘇臺

城北一百二十里

皆其屬也而東鄉

新疆圖志

建置一

十八

之額敕勒河號爲殷賑

先是參贊大臣錫綸以綏靖故城荒圯不堪守禦乃徙軍額敕勒河築新壘焉師干所至商旅漸集塵市駢連宛成重鎮接西域圖志塔爾巴哈臺屬地廿有八曰雅爾

在塔爾巴哈臺西北二百里舊爲準噶爾阿克明阿特部游牧之所乾隆廿八年建城土壤膏沃水草滋豐雅爾郭勒經流其北曰奇爾噶遜齊布哈達遜在塔爾巴哈臺東南乾隆廿年北路喀爾喀郡王巴札爾錫第等窮追包沁賊衆於此曰愛呼斯在塔爾巴

哈臺西七十里愛呼斯淖爾發源其地瀦爲大澤北接哈薩克界曰烏蘭呼濟爾在雅爾東南舊爲布庫魯特鄂拓克游牧之所在漢爲匈奴左部曰淖爾郭在烏蘭呼濟爾西曰察罕呼濟爾在淖爾郭西曰額敏在察罕呼濟爾西舊爲鄂畢特鄂拓克游牧之處

以上爲塔爾巴哈臺北境曰哲克得里克在塔爾巴哈臺南南至迪化縣三百里北境有河河流南下其東南境沙漠彌望東西五百里南北三百里即唐所謂沙陀者也曰納林和博克在哲克得里克西北八十里舊爲布庫努特鄂拓克游牧之所曰格爾鄂爾

格在納林和博克東舊謂酋長所居曰鄂爾格疑當時部酋建庭於此曰克特和博克在納林和博克東南二十里西三里許有古廟爲準噶爾境內舊蹟在唐爲拔悉密與葛邏祿雜居之地曰烘郭爾鄂籠在克特和博克東十五里曰什巴爾圖在烘郭爾鄂籠

東北百里西倚山巖南臨沙磧曰烏爾圖在什巴爾圖東北五十里烏爾圖布拉克經其南薩里鄂拉環其北曰薩里在烏爾圖東北六十里北有薩里鄂拉其下出泉曰納木在哲克得里克西五十里哈畢爾噶布拉克托來布拉克至其地北倚高山南麓有泉左右

二源合而南流入於沙磧舊爲阿克巴集賽游牧之所曰穆呼勒戴鄂多特在納木西四十里北倚鄂爾和楚克鄂勒南臨額彬格遜淖爾山麓有泉南流入於沙磧舊爲阿克巴集賽游牧之所曰達爾達木圖在穆呼勒戴鄂多特西二十里北倚高山南臨淖爾

山麓有泉南流入於沙磧亦阿克巴集賽游牧之所曰謨多圖布古圖在蘇海圖西南二十里形勢同前亦阿克巴集賽游牧之所曰泥楚滾布古圖在謨多圖西南有泉南流出谷入於沙磧亦阿克巴集賽游牧之所曰依奇爾在泥楚滾布古圖西四十

里踰鄂倫布拉克而止北倚高山山麓有泉南流入於沙磧舊爲伊克呼拉爾集賽游牧之所曰布爾噶蘇臺在伊奇爾西四十里形勢同前亦伊克呼拉爾集賽游牧之所曰察拉垓在布爾噶蘇臺西三十里形勢同前舊爲賽嗎里木集賽游牧之所曰綽爾在

察拉垓西四十里形勢同前亦賽嗎里木集賽游牧之所曰齋爾在淖爾東北五十里踰山而之地廣饒水草舊爲阿克巴拉布里木杜爾巴惟素隆伊克呼拉爾五集口游牧之所以爲塔爾巴哈臺西南境曰額爾齊斯在塔爾巴哈臺東南東西七百里南北

三百里額爾齊斯勒郭經流其地爲都爾伯特部游牧之所曰青吉勒在額爾齊斯西南即青吉勒郭勒北岸地以上爲塔爾巴哈臺東南境一統志塔爾巴哈臺屬地十有五曰奇爾噶遜齊布哈達遜曰額爾齊斯曰青吉勒曰哲克得里克曰納林和博克曰格

爾鄂爾格曰克特和博克曰烘郭爾鄂籠曰納木曰伊奇爾曰察拉地岡巖十四皋澤沈斥僕累五垓曰齋爾曰雅爾曰愛呼斯曰烏蘭呼濟爾較西域圖志省十有三

沙十三陂芳草莽十二可耕之地僅十一耳城西北隅爲俄國貿

易圈

鄉土志俄國貿易圈距漢城二百八十八丈東界財神廟西界龍王宮南抵漢城壕北界劉猛將軍祠自光緒九年議給貿易新圈後彼時人數無多因約章第六條內載倘十年後俄國人來者較多須再議添給地址等語近日人烟稠密幾

至無地可容大有狡焉思啓之意現計俄官商十餘戶男女四十人而俄屬老弗夷即新疆西南徼外安集延人近屬俄國及纏民哈薩克三種共三百餘戶男女共三千八百人築市場洋宇林立

中建領事

署東建禮拜堂詭賜充積水陸便利北徼一大都會也其民蒙番淆處族類

紛歧

曰額魯特蒙古部曰哈薩古特部曰察哈爾蒙古部凡十牛泉皆屬於領隊大臣曰舊土爾扈特蒙古部凡十四牛泉皆屬參贊大臣而哈薩克四部曰柯勒依部新舊兩烏克小部附焉曰賽布拉特部阿克奈曼部附焉曰曼畢特部曰吐爾圖部皆屬參贊大臣其屬新滿營

左翼協領專轄者曰索倫曰錫伯

凡隸撫民同知者三族而已

漢民千餘人回民五十餘人纏民千餘人故其俗

頡滑雕捍少慮而外屬哈薩克之奸蘭者或鈔竊牛畜侵水草與吾民積釁官司處置一不當則外人從而持之守斯土者類非習於外交具剛柔之才擅操縱之用鮮不受其齟齬者其額魯特察哈爾舊土爾扈特各蒙古部及四哈薩克皆隨畜遷徙逐水草牛羊馬駝駃騠山谷間而羊爲最富者以谷量貧者亦數十百足博古圖河兩山產野馬

馬身首騾驥耳驢蹄尾俗呼三不像

騶駼踧跋其羣千百土人搯羣

而服食之轉相斥賣而額爾齊斯河多冰魚每歲販迪化及他方其羨無幾大都商業以畜牧爲最優

鄉土志牲畜在本境行銷者每歲馬五百餘匹牛三百頭羊二萬餘隻銷行俄國者每歲馬二千餘匹牛二千餘頭

羊七萬餘隻而皮毡衡鹿之利皆見攫於外人

鄉土志俄人收買皮毛運回本國每歲計出口牛羊皮一百萬張羊驢毛百一十餘萬斤均不納中國稅

巴爾魯克山松檜參天我以口道艱難不能採取反由俄人伐運來城銷售哈圖山產白楊樺樹貝脂能膠弓弧鑿錠盤匣等器白楊河產楊木皆以運採不便致失森林之利獨哈圖之金爲我所

新疆圖志

建置一

十九

固有而或作或輟終無補於折閱是可惜也

鄉土志哈圖山金礦自有新疆以來內地商民聚此開挖者幾數萬人舊有十廠曰

老蘭州灣曰新蘭州口曰東新興工曰西新興工曰老南工曰老東工曰察罕阿騰曰馬拉水曰車路溝曰札工今各處頽垣敗井斷瓦破窰目其遺址勢如大鎮溯詢十廠起訖荒遠難稽惟札工開辦最後咸豐初有關內商民劉光和下極明等五大幫聚此鑿挖公舉劉光和尚首號金頭跟苗追鑿至五年之後始見礦中稍含明金顆粒所出尙不敷費資再越四年已形竭蹶嗣到旺地清還積逋適同治三年逆回變亂塔城告急劉光和率礦夫往援本境哈民乘機剽掠遂棄礦逃避年遠歲湮礦洞積水深至九十餘丈後來之人無方出水是以坐廢至光緒二十三年俄商來租前新疆巡撫饒應祺以專租不便保護奏請華俄合辦置機礮於二十五年興工一面運礮往年所棄廢礦一面在老洞左右轟炸新井因未跟苗追鑿或遇舊洞或距苗綫太遠以致曠日持久用費過多毫無成效遂於二十八年冬停辦各攤賠銀一十二萬餘兩二十九年冬前巡撫藩效蘇以廠所房屋機器等項棄置可惜復奏請設立寶新公司招集股本改爲官督商辦派施委員再萌住局惟地面所露寬綫脈絡概爲昔人用法鑿挖殆盡舊洞水積益多仍運礮先年棄礦三年以來僅穫金千餘兩除添機工用外尙虧短萬餘金而日形支絀遂於三十二年冬停辦三十四年復租給本地富商接辦